

西亭詩

五言律

贈南谿嚴隱君

谿柳俱堪抱知君隱有年
暗窓惟薜荔閒几亦書編
牛徑通秋草雞聲散午煙
西塘潮欲落辭客上漁船

雲間楊二府留飲

綺閣花連檻朱橋柳半池
使君多暇日畱客正芳時
扇底憐桃葉尊前賞竹枝
醉歸誰惜遠五馬在東墀

送人之楚

吳波看漸綠此去正逢春
鳥外征帆急猿前客淚頻
山雲

西亭詩
憶神女江草薦孤臣莫更題鸚鵡君才自逼人

楓橋早發

野市鷄初唱鳴榔早趨羣路
將落月夢繞未開雲漁火
逢橋出春歌隔岸聞前關應已曙生事各紛紛
與羽客羊城使期婁城道院過訪不遇

窺戶寂無見知君行幾時
蝸紋粘散帙鼠跡亂殘棋
採藥山隈遠尋師海道遲
歸來忘甲子應訝我乖期

同王將軍携妓遊淮雲寺

幕府乘春暇琳宮出郭偏
鳥啼吹管處人坐散花天
芳草迷行幄垂楊縮去鞭
不須愁日暮魚鑰已教傳

明月灣夜泊

君王惜明月此地尙傳聞
團影隨歌扇清暉散舞裙
蛾眉曾誤國犀角在成軍
行客知何事秋風亦易醺

曉遊花山

松露滴如雨携筇入翠微
趁涼僧梵早停講客遊稀
浴鳥迎新澗饒鼯繞斷磯
山家人事少日出未開扉

吳門送沈虞士携妾歸楚

春草滿荒驛送君開舊尊
客心憐宋子時俗賤王孫
湖海前期遠鶯花去路繁
倘經巫峽下雲雨謾驚魂

青松菴同笠上人送湘中談大雲

西亭詩
講席行看罷離尊此暫同路分三笑處人去九疑中烽火
連荒徼音書隔遠風驪歌應未畢清淚滿征蓬

山行

漸到雲深處行行意未慵
鴿巢藏古殿僧路出遙松
石面全如鬼藤腰半似龍
春來遊屐滿此地幾人逢

北固渡江別雨上人

息慮幾何日春風帆復飛
舊遊雙樹冷前路百花稀
白社終成夢青山更憶歸
慚君具瓶笠偏得老岩扉

燕子磯遇淮西韓次公

旅泊終難遣交遊更莫論
孤舟仍燕子一飯孰王孫
草木

秋何事關河淚幾痕同尋最高處閭闔儻重捫

過虎丘沈禹甸留宿

塵事雖難遣幽尋幸不違
入秋山態遠過雨市聲稀
小曲聽如斷輕盃到若飛
樓頭明月滿榜客莫催歸

泊舟江滸

空江微月落不寐露沾衣
獨鶴當磯立繁螢貼水飛
客懷秋更遠身計老多違
自愧非袁虎高吟聽者稀

白下送王中翰往倅江凌

東閣掄才俊南州入版圖
重携右軍筆去佩左公符
道路三湘遠琴尊一葉孤
亂餘文物少佐理待名儒

舟泊龍江

飄泊終何事征帆日趁流鳥飛江驛暮人到石城秋市火
浮孤榼漁歌出遠洲停沽休借問長記柳邊樓

霍湖晚行

落日晴如綺寒湖見底澄亂船爭度柵孤店早懸燈病骨
秋仍懶羈懷醉復增暮鐘聽未絕猶及訪山僧

靖江同陳木叔明府登城

靖江舊名馬駝沙乃孫吳時牧地

水國雖遐僻登臨却自閑故人成吏隱終日對江山晚笛
隨風慢春旗過雨殷當年雲錦地長惜霸圖艱

村居自遣

自是心先折非緣鬢漸華久拋三尺劍新覓數叢花隣叟
頻携釀山僧早寄茶交遊仍未冷世路復何嗟

聞友人大梁歸言時事有感

中都千里道見說盡丘墟何處非銅馬多年見玉魚天心
輕社稷地肺絕河渠亦有聞鷄客笙歌醉自如

贈王任伯將軍

代北多名將才華誰似君散金酬死士磨盾草雄文夜靜
燈連野秋空陣作雲頓兵非怯戰應耻就微勳

黃渡遇仲兄

相違曾幾日蓬鬢各添星舊業紛豺虎荒原猶鶴鴿刺船

橋柵斷沽酒市門局坐久忘移夜陰燐處處青

舍弟至清浦

不信復相見牽衣各泣然亂離吾最早貧病汝能全時事
休多語家書得幾傳何堪問歸計荆棘滿秋田

雲間喜荀兒至

百里信長絕望雲心已驚問人知破邑言汝得縶城羣虎
方爭噬孤雛敢浪行碎魂招未定何事亦言兵

兵火後遇中州友人

故人憐尚在携手倍欷歔城郭騰狂獠王侯擁媚豬幾家
仍杼軸何日更詩書直北君休望愁雲滿故墟

早發婁城

出郭路猶濕停鞭信馬行鐘聲辨南寺燈火識西城荒犬
終宵吠殘蟾到曉明年來農事苦處處有人耕

過野寺贈隱者顧君

寺僻藏深竹僧閒立斷谿野花冬未歇林鳥暮方齊洗鉢
荒雲滿懸燈落日低羨君能遣俗長得住招提

過鹿城遇上人草庵

經行長此路從未識幽偏竹密不知暑松高誰記年寒蟹
鳴暗草宿鷺下荒烟近得無言訣相逢懶問禪

同唐彥方西山曉遊

嶺路經西遠聯歌度碧涼野花隨鳥落林菓聽人嘗亂水
歸前澗孤烟起上方買山猶未得來去若爲忙

京口遇陳孟庸叅戎之薊

意氣一何壯看君怒髮衝將軍新白馬壁壘舊盧龍鞭影
搖孤月刀環照遠烽別家雖未久應罕故人逢

聽吳生彈琴

羣動夜方息此時宜拂絃數彈月初上四顧風蕭然還憶
卧山寺遙聞流石泉十年隔塵土爲子復留連

送蔣文若之官大浦

尊酒一爲別孤帆不暫留王程輕萬里客思重三秋土俗

終難問干戈尙未休遙知望恩切爲理易輿謳

送張在公司理鞏昌

茲行人盡羨知子未能安國命關秦塞民生屬理官經營
方力壯離別正秋殘爲待來宣室相携慰苦難

題陸翁水亭

憐君三畝宅雲水一何寬採菱通魚路移花覆鴨欄稀疎
情轉重衰白禮多殘坐聽潺湲久翻嫌去住難

泊舟江浦

荒城落江外倚泊已三更此夜聞秋雨何人免客情凍魚
衝火出孤雁候風鳴歸夢無勞發悲笳處處鳴

舟至六合

飄泊知何事滄江去不禁孤城今夜宿殘雨十年心繫纜
葦汀遠行沽石瀨深還聞亂離後鬼火遍空林

儀真東歸

出浦蒼葭迥行橈喜漸通歸心共江水今日已知東雁影
依殘照漁歌落遠風遙思故鄉路霜葉滿谿紅

寄項莘友

耕釣似能適殷憂徒復然關河留戰氣風雨入涼天殘菓
禽爭啄深莎犬獨眠孤懷向誰語迂拙易爲愆

輓陳保臣

窮海干戈遍孤臣敢自存三年違故國一命畢新恩嶺嶠
風煙隔吳天草木昏招魂向何處清淚濕秋原

潤州道中酬汪介人毘陵見寄

丹陽西北去一片是江煙何處無征雁終年在客船遠書
殘雪外歸夢落花前去住俱難定愁心倍渺然

遊瑯琊歸語同邸友人

欲識瑯琊路千松度石橋殘經盡西竺古井尚南朝澗草
緣時變山花鎮日飄轉行無一里隱隱白雲遙

送姚文學招安海舶

民力疲殘寇廷謨慎遠征盡聞推陸賈終恐失田橫屨

市驚傳檄鮫宮待洗兵緣江諸將在從此羨長纓

贈前部雷將軍

萬里樓船集先驅爾獨雄安危經百戰內外識孤忠渡海
鯨波息搜山虎穴空功成猶不伐拜手待元戎

過族子村居

小築依芳渚清幽迥絕塵草深緣改路籬短爲通隣松子
名羅漢蕉花號美人山厨咄嗟辨誰道阮家貧

虎丘夜飲留別沈禹甸

松閣坐來久看君興未窮鐘聲半山月燈影一簾風塵累
何時盡清尊此夜同明朝相憶處飛絮滿征蓬

寄贈高將軍征海捷歸

犀兕聲初壯鯨鯢跡漸稀分兵知遠畧專闢得全威晚日
催清角晴風捲畫旗凱歸誰惜久楊柳尚依依

贈濟南張雲子

白馬何來客相逢酒十千春風鳴雁柱夜雨泣龍泉諸葛
真名士平原更少年長經穀城下未肯乞殘編

邀馬應之往留光寺時猶卧病

疎雨送殘暑思君到小樓獨眠猶在病相見正逢秋亂葉
臨窓落孤泉背枕流長懷郭南寺水竹日清幽

贈秦淮陸南溟鍊師

桃葉長遊地新宮出舊林樹因巢雀老池為放魚深汗漫
期雖遠蓬萊路可尋誰嫌聞道晚終減少年心

送陶玄珠鍊師

曠志原無戀真修却畏閒陡然携隻雀何處度千山舊業
已歸券本師先出關忘情豈吾事把袂只期還

同暉公雨公晚行瀆口

乍得尋春伴頻教載酒行孤舟一雨足落日萬峯明瓢笠
應吾事山川豈世情不知來近遠前寺有鐘聲

九日同劉河諸君登城樓

時海潮衝擊壕塹皆圮

令節忘衰懶登臨矧舊遊當年曾戲馬此日待沉牛薄酒

慚黃菊輕冠怯白頭晴和人盡賞吾意獨涼秋

松陵客夜呈劉使君

濩落將誰語羈棲且自寬鄉心隨雁字客計托猪肝薄酒
傾難醉寒燈剔易殘城烏再啼處霜月滿松欄

輓友

不用嗟無祿從來厭有身黔婁妻亦死任昉子先貧門巷
添幽草棖筵落暗塵未知誰作誄猶恐失斯人

聞孫遠士入梁

免園賓客散無復舊臺池此去誰相識君非得意時短衣
秋驛冷疲馬夕陽遲應是勞歸夢黃花滿故籬

泊舟牛渚

牛渚秋風冷停橈意若何江山仍壯麗歲月轉蹉跎落日
征帆少嚴關候騎多前人高咏處一片是漁歌

同幻公夜坐

虛閣少塵雜移床動薜帷坐當風起處吟到月沉時天淨
秋河迥人閒夜漏遲誰言似支許未辦買山資

過婁城西郊草菴

市塵猶未遠此地足幽清野鳥衝人過山僧出竹迎松陰
閒谷午花氣小窓晴歸路空回望春雲處處平

除夕泊舟平望

旅遊忘歲月此夕尙征船岸草先春發溪鷗帶雪眠孤亭
收越水前路渺吳天待得梅花白歸看已隔年

冬杪久住虎丘戲贈筠上人

豈不在搖落喜逢風日嘉樹存霜後葉竹起臘前茅白髮
長爲客青山總是家新醅聞未發應欲待梅花

答方中翰彭城見寄云已買妾卜居

親故久疎絕何由來遠魚別離雙淚盡衰病五年餘司馬
遊應倦元龍習已除尚書樓上燕猶或戀南徐

琴川道中

澤國重携棹風光似昔年水吞春草路山掛夕陽天鼠耳

苗初嫩鷄頭葉盡圓萍蹤何日定來往媿鷗眠

客中清明寄家仲季

旅館逢寒食風花滿四檐鳥窺簪柳髻人捲賣餠簾薄俗
貧方識芳時老更嫌墓園兄弟在猶免客襟霑

吳門送汾陽劉明府往宣州舊治

宦跡君何滯他鄉且作歸兵荒征路險貧病別人稀晚驛
兼雲宿秋帆帶葉飛南陵舊山色應待謝玄暉

過徐武靜故宅

一棹秋風遠重來失典型灰心忘國獮沒齒痛原鴿雅調
傳春雪名流嘆曙星不堪今夜笛偏起菜花溼

時武靜伯兄聞公歿於南荒

早發金山

終夜不聞浪早行知晏如五更喧鶴雀雙槩怖龍魚戍角
微風入山鐘落月餘江程長似此旅思倍應舒

送安吉融上人歸聞卽往廬山

瓶笠日無定君行誰識歸不知雲谿路幾見秋雲飛此別
去程遠應愁來信稀惟留竹間偈吟咏對殘暉

贈雲間姚叔儀

姚博物知兵近以篆刻行世

夫子自藏器我知非道窮陰符發天地爾雅辨魚蟲白髮
閒應少丹心老更雄會聞經世語始信俗人聾

寄孫遠士

念子一爲別西風又雁羣尙聞懷傲刺幾欲勒移文生計
存青鬢全家寄白雲不知名利地何處可留君

虞山西城遇楊鍊師道故

白鹿分携久何期此再逢磬聲通絕壑幢影出深松碧簡
慚猶佩丹砂喜再春門前塵路遠回首暮雲重

送友人遠遊

自具封侯骨中年志未慵從來輕謁鬼到處識人龍晚漁
催鞭急晨霜拂劔濃乘風看萬里休更憶魚舸

贈山翁

山園看漸熟松下獨支頤地力閒方盡人情老更宜荆妻
催釀酒隣叟待園碁何事猶難遣惟愁茗課遲

山中贈老僧


樵蹤看漸沒孤磬出雲茨虎豹晝行處枋梧秋落時殘爐
滋石蘚破衲冷松颺問爾何癯苦惟言度世遲

溪上晚歸

東溪烟火近携策暮方歸稚犬啣螺殼兒童剝蟹衣空機
長倚壁破網尚懸磯料是無來客先教掩竹扉

野老

野老形如鵠扶筇獨倚門饑禽啼屋角病犬卧籬根責賦



原件短缺

嫌桑柘供徭愧子孫愁看騎馬客冉冉到前村

唐紫瑞讀書花山過訪留贈

空山長寂歷靜者自知之人去春殘後花開酒熟時相留
大欲暮爲別路多岐舊里君應識歸來莫惜遲

懷陳生久客孟河

憐君四方志淪落竟何成海路風煙迥軍城禮數輕鶯花
三月夢烽火十年情故里猶無恙應知待耦耕

同方虞師訪李姬

樓觀知何處相逢夢與真傳書三島使度曲半簾人赤水
波長煖藍橋路又新秦淮花十里從此罷尋春

天長晚行

渡水日將盡穿林路漸無饑虫隨馬啞惡鳥向人呼小市
巖嵒客荒時久斷沾從來易行役於此怯窮途

寓胥關小寺

蘿舍靜依郭經時人罕逢上墻三尺蘚平閣兩株松小偈
吟偏熟孤尊醉亦慵巖城近多禁不敢眺諸峯

秀州舟次待友不至

江郭初收雨垂楊暗碧溪人期芳草外路入板橋西帘影
隨風亂春聲夾岸齊停尊更誰語惆悵暮雲低

崇川作示黃孝廉

時有棄崇之議

西亭詩
雲外孤城遠蒼茫水一天豎旗番戍卒鳴角放洋船耕織
民風占漁樵歲力全球崖誰議罷漢策未爲然

郡邸暑夕寄西山藻公

塵勞長累月暫息待如何落日晴雲遍繁星夜熱多開尊
人未醉袒袂客重過却憶幽棲處山風滿壁蘿

晚過皇慶讀書處訪唐彥方

閒尋寺門靜入竹動棲禽此地宜清夜終年懷舊林吟餘
茶正熟偈半月將沉相對各無語君應知宿心

楊使君署中夜賞牡丹適劉都護携妓至

塵事各多累開尊日漸曛客心惟有月花態已無雲勝賞

應難合良宵每易分謾教清漏促新曲正堪聞

被繫

時理赦前微逋徧逮紳士訛聞有遠徙之令作此自慰兼示同人

國賦秋毫重儒流曉露餘惟看壁間詔敢上獄中書商網
圍應解秦灰劫已除 皇仁周萬里到處可耕漁

贈友人遠歸

彈指十年別相期總未成做廬仍獨返殘業看人耕猿雀
猶無恙琴書倍有情謾愁容鬢減添得是詩名

旅夜同姚其然訪廬山僧行可

旅居嫌永夜聯策叩禪關亂葉履聲急孤燈簾影閒撥爐
香燼後移榻月明間共聽秋泉落知君懷舊山

秋夜獨坐

獨坐秋聲裏空憐此夜何罷琴安宿鳥移燭遣飛蛾病肺
涼應減愁心靜却多溪頭長犬吠知有釣船過

過幻公故院

西園雲水路來去憶支郎入寺惟荒草何人到影堂網虫
縈講拂巢鼠裂經囊庭樹憐猶在秋風倍易涼

訪城南璞公

探幽久未得便策偶相尋屋角松陰長谿頭竹漸深流年
觀世變秋草識禪心又是妨清梵終宵擬共吟

養疴荒寺李仲淵過訪

歸路由平康李多有所贈

暫止非禪寂空煩訪道過病餘慚禮拙秋至喜涼多歸鳥
連谿竹殘雲墜薜蘿謾愁前路晚到處識鳴珂

劉我賓過訪皇慶

地僻罕行跡清秋雲木淡耽幽是吾事君子復何心澗水
通新築松颺落素琴終期學陶陸結契老東林

寄懷沈珽臣病起

年少輕緣感如君亦復愁相思峯遠道一病已深秋小徑
苔應沒寒塘葉盡流從茲知靜理俱悔五陵遊

送閩漳楊中宜遊楚

相逢非得意爲別更傷心舊國干戈滿新年雨雪深一尊

猶此日分手只前林幸有詩名在留題儻易尋

謁海上嚴明府道遇王孝廉遂邀同載

海路茫無際茲行覺自由猶懸鄭莊驛已得李膺舟
登鼓驚鼉穴高帆掩蜃樓乘風同所願談笑問中流

夜宿慧公房得唐彥方譴所消息

盡說原張儉猶聞重襴衡青牛來候吏白鹿佇門生
豪氣知仍在騷懷喜漸平誰憐舊吟伴風雨泣孤檠

江上攜妓送友人之楚

同病惜難別送君關復河醉從瓜步減愁向柳腰多
鴻雁驚秋早猿猱怪客過靈均去已久香草近如何

過城南立公院兼訪道侶

真修不棄世長許故人尋慧遠成蓮社稽康老竹林
篆香通捲幙庭籟入橫琴咫尺橋西路征埃滿客襟

句曲道中

山色遠逾碧谿流寒更清却愁天日暮猶喜客裝輕
疲馬長依隊愚童每問程關門應已近溪樹一燈明

村中雨後作

六月頻傷雨新晴氣未融砌花愁倚石林鳥倦梳風
日薄虹猶見池平水通通為農兼體國惆悵黍苗空

五言排

送蜀友歸時獻寇初平

萬里金牛路兵戈阻歲華已聞誅栢直應許渡褒邪八夢
惟征壘投身幸使槎棧灰迷鳥道陣石記魚砂杜宇猶名
帝公孫却是蛙錦官重到日休覓舊烟花

無題二十韻

春暖房櫳靜凝粧出絳紗古釵仍九鳳新髻忽雙鴉襯額
珠鈿正闌胸寶玦斜粉酥從喜淡蛾黛近嫌加捺襪名雲
浪鑲裙號月華披肩金蛺蝶鎮袖玉蝦蟆曆潤非緣酒脂
香欲認茶麝囊邊疊勝犀拂帶連葩紅荳歡垂腕青梅懶

濺牙戲描成石竹誤唾得瑤花
躡扇搖螭珮兜鞋攬翠珈
笑含腮易暈行怯手頻叉
骰子拈偏熟連環解故差
玳奩藏荳蔻銀甲試琵琶
獸面扇初啟蝦鬚捲不遮
何人遺馬策有客駕羊車
搗藥停仙杵支機候使槎
溝頭曾放葉洞口更漂麻
席未留荀令隣先逼宋家
自來多悵恨夫壻肯教誇

送馬將軍南征

廟筭知多日長征喜及秋
鮫川蠻樹落鳥道嶂雲收
特簡承三命先聲動百州
印隨飛鵲至劔自化猿留
報國憑孤悃懸軍見老謀
君家銅柱在漢績復應修

谿行十韻

清谿迥無極容與蕩春暉
雨後輕雙棹風前薄夾衣
野蜂隨地落沙鳥傍人飛
孤塔凌丹渚羣山聳翠微
藕田秧漸熟葭岸笋初肥
小市緣岡轉荒祠藉竹圍
停沽帆影亂罷渡旅聲稀
世路雖云險予心幸未違
忘機同海客息夢謝江妃
長羨玄真子滄波去不歸

送項莘友之任兗州別駕分駐河防

揆藻天墀麗分符海國雄
全才書已豹半刺軾仍熊
水部詩名在冬官課職同
歲星猶版築霖雨及田功
漕輓原歸北河流日向東
儒宗三魯近市舶兩淮通
利器推虞詡清

尊識孔融題輿聲籍甚遊刃勢成空雁序雖云久龍門恐
未終羨君還力壯嗟我自途窮騏驥甘長馭焦鶉適短蓬
彈冠豈我分搔首望乘風

贈由拳顧予賓

所交遍方國似子誰其倫三語阮千里八分蔡有隣論文
起大雅縱酒全天真時俗尙魑魅斯人獨鳳麟丁年各於
役失路徒相親已樂素心遂終憂白日淪君誠係霜雪我
豈忘松筠永矢其移棹和歌滄海濱

題江臯神女祠

幽室藏茆塢明粧蒞蕙門垣疎巢鼠婦砌薄迸龍孫鎮社

粉榆老垂檐薜荔繁何須閣有豹不羨瓦爲鴛鳥爪籠瓊
袖鸞尖掩繡禪蓬山初降謫洛浦更飛翻兩度荆王夢二
更蜀帝魂鳳臺慵並吹蟾殿怯孤奔下嫁羞張碩輕傳怪
許渾九疑迷舊路十賚識新恩劉阮休重訪周秦莫浪言
霞觴深館閉蓋白古碑存藍驛霜空搗蒼梧淚自捫虬螭
蟠四壁烏鵲噪雙幡珠絡牽塵網霓綃漬漏痕蟻屯蓮礎
潤鷗浴柳潭溫山鬼啼如鴉村巫走似猿憑誰賦幘弗爭
擬佩蘭蓀竹桁懸殘楮松筵列傲尊最憐棲幕燕風雨伴
黃昏

寄久客友人

憶昔解携日早知成陸沉別來音信少望處雲山深吾道
何枉直世風已古今巴人笑白雪燕客驕黃金因熱賤夫
事後彫君子心營營亦何慕皎皎終難侵魚縱有常壑鳥
飛懷舊林溪南共吟地一片苔陰陰

程